

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

§. III. Origo præcipuarum differentiarum inter Jus Canonicum & Jus Civile.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Instit. 74. & 89. Jure Canonico, filii ex quocumque coitu etiam incestuoso, nati, à Parentibus alendi sunt. *Cap. cùm haberet, Extrà de eo, qui dux. in matrī.*

2. Persona Dœ dicata, Res spirituales, & circa utrasque Judicia, ad solum Canonicum pertinent. Hinc Leges Civiles Judiciale circa ista sunt nulla: Leges hujusmodi dicuntur non Constitutiones, sed de tutiones, distinctionum usurpationes. Hinc si Jus Civile Juri Canonico in iis adversetur, istud illi prævalet. Quomodo hæc intelligi debet, dicetur in Tractatu de modo discernendi Leges Seculares à Spiritualibus.

Hinc Judex Ecclesiasticus in iis sequi debet Canones, non Leges. *C. 11. 12. Diff. 96. tota Caus. 11. q. 1. c. 5. de Testam. c. 12. de Reb. Eccles. non C. 10. 11. de Testam. E. 11. de Testam. ex Nov. 83.* Clericus in Causa Civili debet conveniri apud Episcopum, nisi Causa natura aliud Forum requirat. In Criminalibus autem Causis distinguendum: si crimen sit Civile, apud Judicem Civilem debet conveniri; si Ecclesiasticum, coram Episcopo est conveniens.

3. Jus Canonicum universaliter receptum nunquam habuit, nec habet nunc, quidquam Juri Divino contrarium, quia fit ab Ecclesia, qua est Columna & Firmamentum veritatis: non item Jus Civile, quia fit à Potestate errori obnoxia, Bonumque publicum Tempore respicit, quod interdum requirit, ut quædam peccata permittantur. Jure Civili permisus est Concubinatus. *L. in Concubinatus. D. de Concubinis.* Jure autem Divino prohibetur, *PAUL. ad Galat. 5. & consequenter Jure Canonico. Cau. Nemo 32. q. 4.*

Hinc profectæ Leges sequentes à Canone damnatae:

1. Est, que infamia notat Viduam, quæ intrâ tempore luctus nubis. Virtumque, qui eam sciens ducit: quæque damnatur & corrigitur. *Cap. 4. & 5. de secund. Nuptiis. C. 2. caus. 3. q. 7. §. ult.* Mulier nubens intrâ annum luctus, infamia notatur. *L. 1. & 2. C. de secund. Nuptiis.*

2. Est, que permittit quoddam fœnus, quod restituendum est; & damnatur toto Tit. de Usur. *C. 11. caus. 14. q. 4.* Jure Civili licet stipulari iurias pecunia credite toto tit. *Dig. & Cod. de Usur.* Jure Canonico, non item toto Tit. *Decr. de Usuris recto tempore finiendis.*

3. Quæ possessor malæ fidei intra certum tempus præscribit, quæque damnatur. *C. 5. de Prescrip.* ubi citatur. *L. fin. C. de Prescrip. longi temporis. L. 1. C. Theod. de actionib. certo tempore finiendis.*

4. Quæ stuprum à Marito commissum non habetur adulterium, & damnatur. *Cau. 2. caus. 32. q. 2.* Adulterium Jure Civili commititur in nuptam. *L. fugitus. ff. de verb. signif.* Jure Canonico etiam in solutam mulierem à conjugato. *C. 19. 20. & C. fin. CAN. 32. q. 5.*

5. Quæ permittuntur matrimonia à Christo damnata, quales erant, quibus Viris Uxores propter justas causas dimittentibus, alias ducere licebat, quæque confusæ damnatur. *C. 2. Cau. 32. q. 2.*

6. Quæ permittit Viro uxorem adulteram occidere, quæque damnatur. *C. 6. Cau. 33. q. 2.*

De his differentiis, aliisque notandis, fuisse, dñm de Origine præcipuarum inter utrumque Jus differentiarum, agetur.

S. III.

Origo præcipuarum differentiarum inter JUS CANONICUM & JUS CIVILE.

Non sufficit observavisse discrimina Juris Canonici à Jure Civili, sed eorum etiam causa sunt exponentiae.

Harum Prima est, quod Ecclesia Universalis, qua Leges Canonicas circa Doctrinam constituit, sit infallibilis; Secularis autem Potestas, qua Leges Civiles Doctrina connexas condit, sit fallibilis. Hoc autem discrimen, ex eo oritur, quod illa præposita sit ad docendam & exponendam Legem Naturalem & Legem Divinam; atque ut Regulam certam propôneret, ita constituta esse debuerit, ut falli non posset in Canonibus utramque Legem spectantibus: *S. Tom. 2.*

cularis autem Potestas, cui Administratio Rerum ad Corpus aut Bona attinentium commissa est tantum, tali non indigerit privilegio: Oportet igitur, ut quoties Legibus Canonicas adversantur Leges Civiles circa Doctrinam, coties ha juxta canoniam normam intelligentur aut corrigantur. Tales sunt Leges Civiles, quæ permitunt res à Deo prohibitas, ac præstam illæ, quæ concubinatu autoritatem præstant; vel adulterio alterius Conjugatorum, in divortio à Legi concessio; vel homicidio uxoris in flagranti delicto deprehensa, vel usurarum perceptioni in pacto Antichreos, seu oppignerationis bonorum, ad pecunia creditæ securitatem; aut furto in prescriptione, cui mala fides supervenit, vel quæ saltē huic faveant, dñs finunt, ut qui à Spoliatoribus, licet hoc scirent, adquisierunt, dissimiles ab eis causam habeant, vel perjurio, dum vetant stare juramento Pupilli rationis usum adepti, etiam si seductionis abit suspicio. *vide FAGANUM in Cap. 10. de Testam. n. 168. usque ad 178.* ubi plures enumerantur casus similes, in quibus standum est Juri Caponicō propter peccatum à Jure Civili permisum. Hoc autem restringendum est ad Definitiones à Conciliis Generalibus factas debito modo, atque universitatem receptas, vel alio quovis modo robatas auctoritate Ecclesia Universalis, cui soli promissa fuit Infallibilitas. De ceteris casibus, in quibus Leges Civiles non obligant propter oppositionem eorum cum Legi Naturali, aut Divina, agendi non est hic locus, sed de illis, in quibus adverfantur Legibus Canonicas. Nec etiam loquimur de Jurisdictione, quam sibi Praefecti Ecclesiastici vindicaverunt, in Res Temporales, delicti occasiones, satis erit observare, ius interpretandi Legem Naturalem & Legem Divinam, quod habet Ecclesia, nullam illi auctoritatem in Res Temporales impetrari, quippe quod i extra Declarationem rerum juxta has Leges licitarum aut illicitarum, & constitutionem peccarum spiritualium in transgressores, non excurrat. Et hæc sufficient circa priorem causam discriminum inter Canonicum & Civile Jus intercedentem: Canones, quibus illa innititur, & differentias ad illam spectantes non retulimus, quia hæc colligentur, in Expositione Decalogi, & in Tractatu de Principiis, Ecclesiæ, Pontifice, & Iudicis Ecclesiasticis. Verum attentione majori dignum est, quod illud non solum ad Leges Civiles pertinet, Juri Canonici respectu; sed etiam ad Leges Canonicas inter se collatis: plures enim ex iis, quæ ab Episcopis, Conciliis Particularibus, in modis etiam à Summis Pontificibus despumptæ sunt, sunt erroneæ, propter eamdem causam, scilicet Fallibilitatem eorum, à quibus sunt profectæ, & Infallibilitatem eorum, à quibus ceteræ confessæ sunt, vel auctoritatem acceperunt. Atque hic obiter observandum est, ex neglegtu attrinendi hanc Legislatorum fallibilitatem prodisse, atque etiamnum prodire multas interpretationes vitiosas: Nec omitendum est, Leges Canonicas, ad quarum normam corrigenda atque emendanda sunt Leges Civiles, esse Divini Juris Partem, quia juris interpretationes ab auctoritate legitimâ profectæ ad Jus dilucidatum pertinent, atque parem auctoritatem fortuntur: unde cum procul dubio Juri Civili Jus Divinum antecellar, eidem anteponi debet Jus Canonicum, quod Divini Juris Pars est.

Reliquarum differentiarum inter Canonicum & Civile Jus Pars major ex eo oritur, quod Ecclesia Administratio plenissima sit caritatis & lenitatis, tendens ad procurandam Salutem animarum, quas CHRISTUS ejus Sponsus suo sanguine redemit; ipsi mansuetudinem sequi tūm factus, tūm sermonibus mandans; eique Spiritum Sanctum, qui caritatis est Spiritus, Rectorem præficiens. Indè est, quod equitatem sectetur, non solum in casibus à jure non expressis, verum etiam in plurimis, in quibus rigor equitati postponendus videtur; idcirco non satis habuit jubere cum Jure Civili, ut aequitas suppleret ea, quæ defundit in Jure Scripto. *Cap. II. DE TRANSACT. in his vero*

verò, super quibus Jus non invenitur expressum, præcedas æquitate servata, sed Regulam generalem constituit, quā Juris Civilis rigor in Rebus & Personis Ecclesiasticis infleatur. C. 1. de Dolo & Contum. In Ecclesiasticis Personis & Negotiis rigor & districcio Juris non requiritur. Facile esset colligere plurima exempla præceos hujus Regulae. C. 6. de integ. Restitut. C. 58. 64. 70. de APPELL. §. sanc; ea subministrarent.

Sed utilius erit lustrare Textus allatos ab Henrico CANTSIO, ad probandas differentias, de quibus agimus: quod priusquam aggrediamur, observandum est, apud Peritores Canonistas ita invaluisse, quod Jus Canonicum æquitati naturali præcipue inhæret, ut Regulam hanc proponant, Jus Canonicum Juri Civili præponendum esse, quoties de æquitate agitur. Vide FAGNAN. in C. 4. de Censib. n. 26. Indè Partim orta est Consuetudo Seculorum 11. 12. 13. & quorundam sequentium, dimitendi Ecclesia notio nem negotiorum Personarum Miserabilium: quo nomine designantur omnes, qui specialiō auxilio indigent, propter Statum Lucentosum, in quem redacti sunt; & inter quos numerabantur Vidua, & Pupilli cuiuscumque conditionis, etiam Regiae, & quantumlibet divites; Vero simile est pauciores tūm fuisse solemnitates in Judiciis Ecclesiasticis, atque jus gratuī dictum fuisse, saltem ubi primū hæc Consuetudo coepit: nisi enim aliqua fuisse utilitas, illi, quorum intererat, Judices Seculares eorum iurisdictione non spoliassent, ut eam in Judices Ecclesiasticos, Jure Civili adversante, transferrent. Indè nata sunt Appellations Extrajudiciales, Appellations omisso medio, Recursus ad Judicem Ecclesiasticum propter reculatum aut denegatam justitiam à Judice Seculari: Usus Juri Civili incogniti. Indè orta est Reconventio coram Judice Ecclesiastico, licet Persona vel Negotium Judicis Secularis iurisdictioni forent adhibit: Indè jus Azyli in Ecclesiis in gratiam Servorum à Dominis vexatorum, Debitorum & Nocentium, qui in jus vocabantur; Indè Manumissio Servorum in Ecclesiis illud; Indè Privilegium omittendi in Libellis nomen Actionis, quæ intendebatur, itemque omittendi in Testamentis ad piam causam, solemnitates à Jure requisitas in omnibus Testamentis: Indè Canones, qui jubent, præstari alimenta Liberis è cōitu nefario natis. &c. ex Adulterio, Incestu, vel Sacrilegio: æquitas, charitas & mansuetudo, quas Ecclesia singulariter proficitur, hæc discrimina inter Civile & Canonicum Jus induxerē.

Probationes earum differentiarum, atque causarum, undè orta sunt illæ, sunt in Tractatibus de Judiciis, & de Testamentis.

Hæ generales Observationes valde contrahunt ea, quæ signifikatim dicenda forent circa illas differentias, carumque causas. Itaque supereft, ut breviter attingamus ceteras differentias, quæ ex eisdem causis oriuntur.

Jubet æquitas, ut subaudiatur Clausula, si preces veritate nitantur; ac non irritentur Rescripta, à quibus abeat: jubet pariter, ut nuda pacta obligent, & nulla habeatur ratio sollicititudinum, quas in stipulationibus requirit Jus Civilis.

Mens Canonum, qui vetant implorare Restitutio nem in integrum adversus Contractus per jusjurandum confirmatos, licet illi à Jure Civili irritentur, vel refisione obnoxii reddantur, est collocare in tuto Salutem Fidelium, qui nullum tamē, ut probatum fuit in Tractatu de Contractibus, subeunt periculum, illos Contractus ut infectos spectando, propter nullitatem juramenti Lege Principalī & Jure Publico adversantibus emisi, Cap. 12. de Foro competenti. INNOCENTIUS III. ibi hæc de causa docet juramentum, quo Clerici confirmant Ecclesiastici Fori abdicationem, nullum esse.

Locum habet etiam causa eadem in juramento emisso à Filiâ, quæ in gratiam Patris sui pollicita est, se jussum non persecutaram. C. 1. de Paſis in VI. & in juramento Minoris, qui Senatus-Consulti Macedoniani privilegio renunciat; in juramento Mulieris nupta, quæ Velleiano Senatus-Consulto renunciat; denique

in juramento Filii Minoris, aut Filiz, qui matrimonium contrahunt, præter consensum eorum, in quorum potestate sunt.

Salutis anifharum interest ut, qui sciens emit à Spoliatore, eidem, atque ille, conditioni sit obnoxius, ita ut audientiam non habeat, nisi spoliato restituto, quod fit præter Juris Civilis dispositionem.

Periclitatus Salus Testium, iporumque Litigantium utilitas, si deponere cogantur Testes: hujus periculi contemplatione plures Canones prohibuerē, ne cogantur Testes, licet Jus Civile contrarium jufserit.

Salus animarum postulavit, ut Curati haberent facultatem recipiendorum Testamentorum, in quibus sœpè sunt Legata Pia, quæ sunt restitutions aut pœnitentia seu satisfactions. C. 10. de Testamentis.

Æquitati congruum visum est, Filium fidei-commissio gravatum, si sine liberis moriatur, posse detrahere duas quartas, Legitimam & Trebellianam: prima illi debetur, ut filio, posterior, ut hæredi gravato. C. 16. 18. de Testam.

Hæres tenet solvere pœnas pecuniarias delictorum defuncti, & damna, quæ intulit, refarcire, ad ejus procurandam Salutem. C. 5. de Raptor. Jus Civile non adstringit ad solvendum, nisi onera realia, superioris autem obligationes personæ tantum cohærent.

Saluti animarum convenit occasiones peccandi removere: hinc modus pubertatem cognoscendi, definitus à Jure Canonico, scilicet per numerum annorum, anteponendus ei, quem Leges Civiles induixerant, nempè infestationem corporis.

Producendæ latius caritatis, atque confessionis inter Christianos confilio, præcipue impulsi sunt Autores Juris Canonici ad proferendum longius Cognitionis Impedimentum, quām fecit Jus Civile; five unum gradum in linea collaterali computando, ubi Jus Civile duos numerat; five matrimonium inter Cognatos usque ad septimum gradum inclusivè vetando; five plura ad finitum genera Juri Civili incognita constituendo.

Horror, quo Ecclesia Sanguinis Humani effusio nem profequitur ex ejus mansuetudine nascens, partim causa fuit Canonum, in quibus tentavit illa Pœnitentiales Satisfactions, Pœnis Capitalibus substituere, quæ à Jure Civili constituta sunt: eadem fuit etiam causa constituendæ Irregularitatis properter lenitatis defectum.

Aliud argumentum mansuetudinis Juris Canonici respectu Juris Civilis est, quod Judex Ecclesiasticus, Pœnitentia facta, de Pœnis Canonicis valet dispensare. C. 4. de Judiciis §. 1. Judex autem Secularis Pœnas Civiles remittere non debet, quia clementior esse quam Lex non debet: præterea pœna à Jure Canonico sancta, in crimina etiam capitalia, leviiores sunt pœnis Civilib. C. 10. de Judic.

Nonnulli Canones verant, Judicem Ecclesiasticum Potestari Seculari tradere Clericum à se depositum; talis est idem C. 4. At in Tractatu de Judiciis ostendimus, contraria esse Juris Civilis dispositionem.

Juxta Canon. 3. de Solut. Clericus in carcere, donec solverit, mitti non debet, neque cogi, ut bonis cedat, sed sufficit, ut satisficer se soluturum, si fortunis auctus fuerit: contraria est Juris Civilis Definitione.

Licet Præsules Ecclesiastici Feuda possideant, quibus annexum est jus gladii, illud per se ipsos exercere non possunt. Can. 3. Ne Cleri vel non in VI. sed possunt illud committere; quod interdictum à Jure Civili, quod delegare prohibet huiusmodi Potestatem.

Pars major reliquarum differentiarum inter Canonum & Civile Jus à CANISTO collectarum spectat Matrimonium, aut Cultum Divinum: Prioris generis præcipue ex eo ortæ sunt, quod Jus Canonicum Legem Divinam secutum est in suis Definitionibus; ab eā autem recessit Jus Civile; undè ortæ sunt Leges plurimæ, quæ videntur approbasse Dissolutionem

lutionem Matrimonii propter causas plures, 1. ob Professionem Religiosam; 2. propter Crimen adulterii, aliæ ipsi affinia sceleris; Illæ etiam differentia inde oriri potuerunt, quod Leges Civiles magis spectavere Contractum quam Sacramentum; atque ideo ejus permisere aut toleravere dissolutionem; non feciis atque in ceteris Contractibus, maximè in societate, obtinet: Leges autem Canonicae magis attenderunt ad dignitatem Sacramenti, propter quam indissolubile est. Inde etiam Leges Civiles Connubium jus Servis ademere, quia Nuptia Civitatem desiderabant, cuius communionem non habebant Servi; Jus autem Canonicum illos semper ad Matrimonium admisit, perinde atque ad reliqua Sacraenta. Inde etiam juxta Jus Civile Nuptias sine dotalibus instrumentis, vel pacis Matrimonialibus confecit, irrita erant; atque ideo nati ex Concubinatu Liberi per Nuptias subsequentes Legitimi non siebant, si solemnitas illa omisita fuisset: Jure autem Canonico illa non requiritur ad validitatem Matrimonii, quia non pertinet ab substantia Contractus, qua sufficit ad validitatem Sacramenti, & proinde Matrimonium concubinatum subsequens natos ex eo Liberos absque hac solemnitate Legitimos reddit n. 4. Canon. Suprà laudati.

Juxta Jus Canonicum, si Conjugati alias Nuprias contrahant, pendente circa validitatem primi Matrimonii lite, illæ validæ sunt, si Piores nullæ declaratae sint: Jus autem Civile pro nullo habet ejusmodi Matrimonium, licet prius declaratum fuerit nullum: Hæc differentia oritur fortasse ex eo, quod defectus ille satis gravis Juri Canonico non est visus, ut irritum foret Sacramentum; Juri vero Civili sufficere visus est ad vitandum Contractum, ac proinde Sacramentum n. 36.

Secundum Jus Canonicum, Liberi ex Matrimonio bona fide inter Cognatos initio nati, Legitimi non sunt, si Cognatio detegatur, modò celebratum illud fuerit absque Bannorum proclamatione Cap. 3. de Clandest. Despons. & hoc ad coercendam temeritatem, quæ Sacramenta illufsum fuit per administrationem, & receptionem vanam & inutili: Jure autem Civili defectus proclamationis Bannorum non requiritur, ut Filii sint illegitimi.

Cujuscumque generis Impedimentum sit, si Nuptia palam & bona fide saltene ex una parte contractæ sunt, Filii sunt Legitimi, licet vitium postea comprobetur, C. 2. & 14. Qui Filii Legitimi, & hoc propter dignitatem Sacramenti: Jure autem Civili, non obstante his circumstantiis illegitimi reputantur n. 45. Contractus hunc favorem mereri visus non est.

Quod attinet ad discriumen Secundarum Nuptiarum Fœminarum infra annum luctus nubentium, illud nascitur ex studio quo æquitatem, animarumque Salutem prosequitur Ecclesia: hinc enim est æquissimum, ut licet Mulieri rursus nubere, statim ac libera est, & certum est eam ex Viro priore gravidam non esse, illinc autem ei denegari non debet Sacramentum, quo indiget; unde iniquum foret, ejusmodi Mulierem infamiae subjiceret, si nubat int̄ annū luctus, Cap. 4. & 5. de Nuptiis quæ recessunt ob has rationes à Jure Civili, quod illam penam induxit.

Eodem studio Salutis animarum, & dignitatis Sacramenti contemplatione, inhibitetur Matrimonium propter unicam Depositionem, quæ afferitur aliquod Impedimentum secretum inter Sponsos existere, C. 12. & 27. de Sponsalib. adversante Jure Civili, in quo nunquam ut sufficiens admittitur Testis solitarii Depositio. Eadem de causâ Ecclesia irritum facit Matrimonium contractum propter metum cadentem in constantem virum C. 14. & 15. de Sponsal. licet hæc in Jure Civili non obtineat: meritò enim existimat, coactionem magnam Saluti animarum perniciem, & Sacramento ludibrium, afferre posse. Cap. 17. de Sponsal.

Si Jus Canonicum majorem Ecclesia tribuit potestatem in Personas Ecclesiasticas, tum Sæculares, tum Regulares, in Bona Ecclesiastica, in Ecclesiæ & Loca Sacra, quam ipsi à Jure Civili conceditur, id oritur ex eorum consecratione ad Cultum Divinum, cuius speciale curam gerit. illæ differentia; earumque causa exposta sunt in *Traçatu de bonis Ecclesiasticis, de Ministris Sacris, de Ecclesiis*:

Hinc tot Canones orti sunt circa Ecclesiastica Bona, ac præcipue Decimas, quæ illarum dispositio ad solam pertineret Ecclesiæ, illæque à Sæculari Potestate minimè penderent: Quoad Decimas, alia ratio illas Ecclesiasticae Potestati omnino subjecit; scilicet, quia Novi Testamenti Decimas, perinde atque Antiqui, estimando, illas etiam à Jure Divino constitutas esse arbitrii sunt Pontifices & Canones de illarum præstatione agentes: Unde etiam natum est, ut licet Decima non nisi ex fructibus percipiantur, & fructus in Jure Civili, non nisi deductis impensis, intelligentur, tamen antè deductionem impensarum, Decima capiantur: Decimas enim spectata sunt, ut Deo debitum propter ejus Dominium generale in omnes fructus Terræ, atque ideo, ejusdem Conditionis reputatae sunt ac Jus Galliæ Champart, sive Jus Dominicum certa frugum Parte constans, quæ ratione impensarum in culturâ aut collectione factarum non habita, præstatur Domino.

Inde nascuntur omnes Canones circa alienationes, qui, omisis quibusdam Solemnitatibus à Jure Civili re quisitis, ab eo recessere: inde illi rerum profanarum amotionem in Ecclesia factam inter sacrilega furta computant, adversante Jure Civili, in quo pro furto simplici habentur. Talis est C. 21. Can. XVII. Q. 4. Inde Canones, qui Ecclesiarum immunitates longius producent, quam Jus Civilis, azyljus Homicidis voluntariis concedendo, quod ipsi à Jure Civili denegatur, C. 6. de Immun. Eccles.

TITULUS II.

Quæ sint JURIS CANONICI Causæ?

Jus Canonicum, ut aliae res, quatuor habet Causarum genera, efficientem, materialem, formalem, & finalem: de singulis seorsim agemus, post CORRASUM de Methodo Juris Canonici, idque paucis de tribus Prioribus, quia plures de iisdem loquendi occasiones occurrent.

S. I.

Quæ sit JURIS CANONICI causa efficiens?

Juris Canonici duplex est causa efficiens; altera principalis, nempe Spiritus Sanctus, altera quasi instrumentalis, nimurum Ecclesia Ministri: de quâ instrumentalis hic agimus, eamque cum principali Civilis Juris causâ comparamus, ut, quæ dicimus, facilius intelligentur. Comparatio autem in eo tota sita est, quod ut Juris Civilis causa efficiens est Potestas Temporalis residens in iis, qui Temporalia administrant, ita Juris Canonici causa efficiens est Potestas Spiritualis residens in iis, qui Ecclesiam regunt.

Sicut Jus Civile toti eidem Regno commune, est à Supremo illius Regni Reatore; Jus vero nonnullis hujus Regni Partibus proprium, est ab his, qui istis præsumt Partibus, consentiente tamen Principe: ita Jus Canonicum toti Ecclesiæ communem, est à Summo Pontifice Ecclesiam in Concilio Generali, vel extra gubernante; Jus vero proprium hujus Ecclesiæ Partibus, est ab illis, qui illas Partes regunt consentiente tamen Universæ Ecclesiæ Præside; Hæc juxta sententiam, quæ Regimen Ecclesiæ merè Monarchicum existimat, quæque apud Gallos non recipitur, sicut nec apud alios, qui Conciliarum Constantiensis & Basileensis Decreta circa Superioritatem Concilii Generalis supra Pontificem acceptarunt. Hi siquidem sentiunt, Ecclesia